



Despues di a establece su mes na Lago, Essoville, Oudeschoolstraat, Nassaustraat y Golden Tulip Hotel

MAGGY'S A ESTABLECE SALON DI BELLEZA DEN SONESTA HOTEL

Apertura oficial mañan atardi



Tabata durante e temporada cu regularmente e bapornan di turista Sta. Anna y Sta. Rosa tabata ancla den e waf di Aruba y e grupo asina yama San Fernando boys tabata duna nos turistanan un caluroso bonbini den forma di animacion musical y brinda nan e "Island Atmosphere" di berdad y cu den actualidad ta haci nos isla turistico hopi falta.

Durante e tempo ey, e tempo cu e awor prestigioso cas di moda y belleza, **MAGGY'S** a inicia un trayectoria grandi di un soño cu a bira realidad y cu actualmente nos lo bay mira un prueba grandi y palpable di esaki, tabata manda su propio van como medio di transportacion na e bapornan turistico aki pa recoge tur e pelucanan cu tabata pertenece na e turistanan di barco, trece nan na e kapsalon, aregla esakinan y despues entrega nan bek, nechi drecha ariba nan cabez y den nan maletín.

Y asina aki Sra. Maggy Oduber a introduci oficialmente e tempo ey areglo di peluca y a impone esaki tambe como e moda di momento aki na Aruba.

Pero toch promer cu esaki Sra. Maggy tabata tin un comienzo menos comun cu hopi peluquero(a)nan. Na edad di 11 aña e damita aki a cuminsa corta cabey pa un circulo di clientela na cas. Y e aña aki ta haci net 39 aña pasa cu Sra. Maggy a inicia cu su carera profesional.

Primeramente Sra. Maggy tabata traha den Lago parti mainta pa e Americana Perry Allen, kende tambe tabata estilista, y parti atardi e tabata eherce su profecion na su mesun cas na Essoville.

Despues di a muda pa Playa, Maggy a traha brevemente cu Aura Croes pa despues inicia cu su promer kapsalon cual tabata situa na Oude Schoolstraat na unda actualmente ta Mrs. Minute. Despues di dos aña di traha duro cu hopi esfuerso, voluntad pa supera y empeño Sra. Maggy a move pa Nassaustraat, caminda nos tin awor e boutique/perfumeria mas moderno den e area di Caribe, cual antes tabata consisti di nada mas di un kapsalon y cosmetica na parti dilanti so di e edificio.

Y tabata e tempo ey cu Sra. Maggy den su salon den Nassaustraat a haya bishita di Perry Allen cual a bise "I knew that you were going to end up with more than I had, because we would see the ambition in your eyes". Y guiando su mes cu su inteligencia y ambicion, Sra. Maggy a inaugura su siguiente salon na Golden Tulip Hotel hunto cu su perfumeria y pa mañan Diasabra Maart 31, 1990 inaugura su di 4 salon pa 4.30 di atardi na Sonesta Hotel.

Un salon cu un interior supermoderno y elegante combina den gran parti cu tononan blanco y preto y shinishi. Combinando idea y talento: Audrey Oduber yiu muher di Maggy, hunto cu e compania Italiano Gamma Int'l, representa pa Maggy's pa e area di Caribe, a trece sigur un bunita presentacion di loque tabata y semper lo sigui ta e meta di Maggy: Ofrece semper lo mihor na su clientela.

Y den ofrece lo mihor na su clientela ta encera un personal profesional bon selecciona pa segura e cliente un

satisfaccion cienporciento cual ta consisti di e gran peluquero y estilista Arubano Herbert Brete, e Venezolano Jose Pladano cu experiencia ariba tereno Europeo y Latino, como tambe Thelma Amaya e manicurista y pedicurista especialisa cu ta haci maravillas y e recepcionista amable pa atendebo semper Francis Dreisschor.

Di e personal lo worde relata parti di nan estudio y experiencia den e ramo cu nan ta eherce profesionalmente.

Cuminzando cu Herbert Brete cu no tin mester di mucho introduccion, ya cu pueblo en general conoce debi na su titulo di ganadora Peinado Fantasia Int'l y su presentacionnan profesional haci durante diferente eventonan grandi aki na Aruba. Herbert a studia na Kappers Academie na Rotterdam na

unda tambe el a sigui diferente beurs y a traha tambe na Black & White Beauty Salon caminda el a specialisa su mes den kroeshaar.

Aki na Aruba, Herbert a inicia su carera profesional na Playa Linda Beauty Parlor, pa despues sigui pa Golden Tulip Hotel y awor na Sonesta Hotel pa Maggy's. Contestando ariba e pregunta di cual tabata su plannan pa futuro el a contesta: "Sigui brinda mi clientela lo mihor manera semper".

E Venezolano Jose Pladano a studia na Spaña cerca e gran maestro di Coiffure Luis Llongueras na Madrid. Jose tambe a haci diferente presentacionnan tanto na nivel local (Venezuela) y Internacional manera e.o. na Dusseldorf Alemania, caminda tambe el a yega di traha den e ciudad di Stuttgart y na Colombia. Na nivel local el a traha cu e.o. e certamen di

Chica 2001 y tambe cu e canal di television R.C.T.V.

E manicurista y pedicurista Thelma Amaya tin 1 aña ta traha cu Maggy's satisfactoriamente. Durante inicio di su carera como tal, el a sigui diferente cursonan relaciona cu belleza en general, manera e.o. di peluqueria cerca Aurora y di manicurista y pedicurista cerca Marietha Wanopa cerca kende tambe el a traha pa algun tempo y haya e experiencia necesario pa por sigui dilanti. Awor Thelma a especializa su mes hopi ariba technicanan y productonan nobo manera e.o. e producto mas hopi uza na Estados Unidos yama LUME, cual ta un gel cu ta worde aplica ariba bo huña cu ta seca den un forma natural cu ta proteha bo huña y duna esaki tambe un shine especial y salubable.

Pero tambe Thelma ta ofrece servicio di huñanan postizo y acrilico, como tambe tratamiento pa man y pia.

Y pa bo djiez haci un reservacion na tel. 36000 ext. 119, e profesional recepcionista Francis Dreisschor lo atendebo, suministrando bo personalmente cu tur tipo di informacion eficaz y verazmente.

For di aki ta extende un invitacion na tanto e prestigioso clientela di Maggy's como na e pueblo di Aruba en general pa pasa y haci uzo di e servicionan di Maggy's Beauty Parlor na Sonesta Hotel.

Apertura oficial lo ta mañan Diasabra 31 di Maart 1990 en combinacion cu un transmision di radio vivo y directo iniciando pa 4.30 di atardi.

Pa Alexander

Pa: Alexander

